



2016 йил «6» декабр

№ 489-қ

**Ер участкаси танлаш ва  
қурилишга рухсат бериш  
тўғрисида**

Ўзбекистон Республикаси «Шаҳарсозлик кодекси»нинг 20-моддаси, Ер кодекси»нинг 6,26-моддалари, Ўзбекистон Республикаси Вазирлар Маҳкамасининг 2013 йил 25 февралдаги №54-сонли «Шаҳарсозлик фаолиятини амалга ошириш ҳамда қишлоқ хўжалигига оид бўлмаган эҳтиёжлар учун ер участкалари бериш, шунингдек объектларни қуришга рухсатномалар бериш тартибини тубдан соддалаштириш чора-тадбирлари тўғрисида»ги қарорининг ижросини таъминлаш мақсадида, 2016 йил 09 сентябрдаги «Қишлоққурилишлойиҳа» МЧЖ билан келишилган №1191/07 сонли келишув хатини, Самарқанд вилояти табиатни муҳофаза қилиш кўмитасининг 2016 йил 26 сентябрдаги №1420-сонли экологик экспертиза хулосасини, Нурабад тумани Шуробод маҳалласи ҳудудида жойлашган «Элмурод» фермер хўжалигига қарашли ер майдонига «Элмурод» фермер хўжалиги томонидан товукхона биноси қуриш тўғрисида қарор чиқариб беришни сўраб ёзган 2016 йил 21 ноябрдаги мурожаати ҳамда туман ҳокимининг 2011 йил 18 августдаги №81-Ф-сонли фармойишига асосан тузилган ер участкасини танлаш буйича ишчи комиссиянинг 2016 йил 25 ноябрдаги далолатномасини кўриб чиқиб,

**ҚАРОР ҚИЛАМАН:**

1. Нурабад тумани Шуробод маҳалласи ҳудудида жойлашган «Элмурод» фермер хўжалигига қарашли ер майдонига «Элмурод» фермер хўжалиги томонидан товукхона биноси қуриш учун 0,15 гектар ер майдони танлаш тўғрисида ишчи комиссиянинг 2016 йил 25 ноябрдаги далолатномаси тасдиқлансин.

2. «Элмурод» фермер хўжалиги раиси Х.Элмуродовга қуйидаги вазифалар юклатилсин:

Ўзбекистон Республикаси Вазирлар Маҳкамасининг 2013 йил 25 февралдаги №54-сонли қароридан кўрсатилган муддат ва талаби асосида

АРТ (архитектура режалаштириш топшириғи) ҳамда лойиха хужжатларини тайёрлаш.

-вилоят Давлат архитектура ва қурилиш назорат инспекциясидан қурилишни амалга оширишга рухсат олиб, қурилиш ишларини бир йил муддат ичида тугатиш:

-қурилган бино атрофида экологик ҳолатни сақлаш ҳамда ободончилик ишларини олиб бориш:

-тасдиқланган қурилиш лойихаси асосида қурилишни амалга ошириш:

-қурилиш ишлари тугаши билан бинони фойдаланишга рухсат бериш учун туман ҳокимлигига мурожаат қилиш:

3. Туман бош архитектору (Ж.Абдуллаев)га Х.Элмуродов томонидан тасдиқланган қурилиш лойихаси асосида қурилиш ишларини амалга оширилишини назорат қилиш топширилсин.

4. Ер участкасини натўрага кўчириш ишларини “Ўз ГАШКЛИТИ” ДУК нинг вилоятдаги ваколатхонаси билан биргаликда амалга ошириш туман архитектура ва қурилиш бўлими (Ж.Абдуллаев) ва туман “Ер ресурслари ва давлат кадастри” бўлими (Ф.Эргашев)лар зиммасига юклатилсин.

5. Ушбу қарорнинг ижросини назорат қилишни туман ҳокимининг биринчи ўринбосари О.Джураев зиммасига юклатилсин.

Туман ҳокими в.б



Б.Эргашов